



Ilinniartut Ineqarfiisa Allaffeqarfiat

Kollegieadministrationens Fælleskontor
Box 629 * 3900 Nuuk * Tlf. 34 23 80 * Fax 32 50 63
E-mail: kafadm@kaf.gl
www.kaf.gl

Kollegiaani najugaqartut ataatsimiinneranni imaqarniliaq, ulloq 30.01.2019

Ataatsimiinnermi peqataasut;

KAF-ip kollegiani najugaqartut, aammalu KAF-imi sulisut

Allatsi:

(Vivian Schmidt Isaksen)

1. Tikilluaqqusineq, Peter H. Davidsen

Ataatsimiinnermi tikilluaqqusivoq KAF-imi allaffimmi pisortaq.

Nuannaarutigivaa taama amerlatigisut takkunneri, aammalu oqariartuutigalugu najugaqartut najukkaminni akisussaaffimmik tigusilluaqqullugit, KAF-illu pigisaanik paarsilluassasut.

2. Ataatsimiineq qanoq ingerlanissaanik ilisimtitsissut, Vivian Schmidt Isaksen.

Siullermik ataatsimiigiat tikilluaqquneqarput, nuannaarutigalugulu taama amerlatigisut takkunneri, aammalu erseqqissaatigalugu ataatsimiisitsineq aatsaat taamatut ingerlanneqaleramat, najugaqartut tamarmik aggersarneqarlutik, soorlu ataatsimoorussani najugallit Blokkini sionatigut ataatsimiisinnegartarsimangitsut.

Unnuk ataatsimiinnermi oqaluserineqartussat malinneqarnissaanik innersuussivoq, ataasiakkaallu najukkaminnik saaffiginnissutaassinnaasut tunuarsimaartinneqarnissaanik erseqqissaatigivaa, aammalu saaffiginnissuteqassagunik nerrivimmi immikkut pappiaqqat saaffiginninnissamut atugassat atorluassagaat innersuutigalugu.

3. Kollegianut qinnuteqartarneq, Marie-Maline V. Simonsen.

Kollegianut qinnuteqartarneq eqqaavaa, kollegiartussat nammineq qinnuteqarnissani isumagisalernikuuvaa, tassani ilanngunneqassapput atualernissamut uppersaasat, historisk bopælsattest, aammalu kollegianut akiitsoqassanngitsoq qinnuteqartoq, naggataatigullu

ullut eqqortut ikkunneqartassasut, tassa Nuuummi atuagarsornermi ullut ikkunneqartassasut erseqqissaatigaa.

4. Najugaqartut akisussaafii, Kollegieinspektørit, Natuk, Vilhelm, Raket

Tassani erseqqissaatigivaat pingaaruteqartoq ataatsimoorussani imal. sumi tamani kollegiani torersuunissaa, tassa sumut tamaanga ilioraassoqartarnera ajornartorsiutaasoq, soorlu ataatsimoorussani torsuusat pisattanik, atisat manisaniq ilioqqaavallaartoqartarnera ajornartorsiutaangaatsiartoq eqqaavaat, ikuallattoortoqassagaluarpat, imal. ambulancenik inunnik ajutoortoqassappat gangini ilisat akornutaasussaangillat, tamanna najugaqartut ataqqinerussagaat aammalu torersumik najugaqarnissartik ikioqatigiiffiginerussagaat erseqqissaatigalugu.

5. Iserternermi/Anineq, kollegieinspektørit, Natuk, Vilhelm, Raket

Iserternermi nalunaarsuiffik tunniunneqartoq pingaaruteqarpoq tikinnermi ullut 14-it qaangiutsinnagit KAF-imut tunniunneqartarnissaa, aammalu eqqiarneqarsimanngippat uppersaatinik assinik ilanngussisoqartassaaq.

Aninermi pingaaruteqartutut aamma taaneqarpoq, ini qimalerneranut opsigelsemik immersuisarnissaq allakkatigut, ullumikkumut ajornartorsiutit ilagaat najugaqartut aallaannavillutik aallartartut ilisimatitseqaaratik, aammalu igalaat ammatiinnarneqartarlutik, uffalu sila taama allanngorarsinnaatigisartigisoq.

Aallalernermi ini kusanartumik qimanneqarnissaa eqqaanneqarpoq, tassa eqqiarlugu, iserterfittut qimallugu, taava najugaqartoq akiligassinneqassanngilaq.

6. Akiligassat, Økonomi, Otto & Suffiannguaq.

Najugaqartut inigisaminnut qaammatini marlunni akiligassallit allaffigineqartarput akiitsut pillugit, tassa najugaqartoq akiitsoqaqqusaanngilaq kollegiani najugaqarnermini.

Ullumikkut najugaqartoq nammineerluni iniminut akiiliinissani isumagisarpaa, tassa web bankikkut akiliisoqartarpoq, immaqaluunniit allakkerivikkut bankikkulluunniit, KAF-imut akiliartortoqarsinnaanngilaq.

2018-imi kollegiani najugallit 364.328,00 kr. Ajoraluartumik akiitsoqartoqarpoq.

Akiitsut akilerneqanngikkaangamik akiliisitsiniartarfimmut ingerlateqqinneqartarput, taamaasillutik skatsimiit utertoortissaraluaminnik akiliisitsisoqartarluni.

7. Tikinnermi atsiortarnej paasissutissanillu atuaqqaarani atsiortarnej.

Maluginiakkagut ukuupput, ilinniartut tikittut atsioriartoraangamik, aammalu paasissutissat soorlu malittarisassat tikinnermi tunniunneqartartut, najugaqartunit atuarneqarnej ajortut, siunnersuutigissavarput atuaqqaartarnissaat paasissutissat tunniunneqartarput pingaaruteqarmata.

8. Eqqiaanermut skiima, inventarliste, Startbakkellu, Eqqiaasut Amosine & Agnethe suleqataalu.

Najugaqarfinni ataatsimoorussani skiimat nivinngarneqarnikuupput, kisiannili ilai suli piareerneqaratik, suli at ingerlanneqarput eqqiaasut Ningiuanit Amosine, taakkunannga ikiortigineqarluartoq studentermedhj. Monica ikiortigilluarneqarsimavoq.

Skiimat nivingasut najugaqartunit ataqqineqarnissaat eqqiaasut piumasaqarput, najugaqarfik torersuuppat angerlarfigissallugu kajuminnarnerummat, atoriikkat aamma iggavinni aaqqereertarneqarnissaat eqqaaviillu uninngatiinnarneqannginnissaat ilanngullugit eqqaavaat.

Ataasinngornermi eqqiaasut kollegianut alakkarterisarput eqqiaasimanersut, eqqiaasimangitsut matuinut nivinngaasarput eqqaasillugit eqqiaanissaanik, eqqiaanngitsoornerit pisarpata Kollegieinspektørit suleqatigalugit mianersoqqussutinik tunniussisarput, naggataatigullu anisitaanermik kinguneqarsinnaalluni.

Ukiumut marloriaq startbakkenik tunniussisoqartarpoq, startbakke tassaapput ataatsimoorussani najugalinnut tunniunneqartartut, Natermut qaqorsaat, anartarfimmut qaqorsaat, erruinermut qaqorsaat.

Sap. Ak. ataasiarlutik viskestykket natermut asaait aaneqartarput, errortanillu ilisisarlutik

9. Inoqtigiit tamarmik kollegiani najugaqartutut allassimasuunissaat, Vivian

Kollegiani najugaqartunit ajoraluartumik nalaattarpagut, KAF-imut ilisimatitsinatik ineqateqalernerit, taammaattumik pingaaruteqarpoq ineqateqalerniaraanni qinnuteqaqqaartarnissaq allakkatigut, tassani aamma pineqarpoq sillimaniarneq assersuutigalugu inissiaq ikuallalissagaluarpat nalunnginneqartussaavoq kikkut ineqarfimmi allassimasuunersut.

Unioqqutitsilluni inisimasoqarneq anisitaanermik kinguneqarsinnaavoq.

Sap. akunnerit 20-t ataannartumik atuagarsussagaanni najugaqartoq tikeraartoqarsinnaatitaavoq, kisiannili aatsaat tikeraartoqarnissamut immersueqqaarluni KAF-ip saaffiginnittarfianut saaffiginninnikkut, tikeraartoqarneq sivisunerpaamik ullut 14-nit tikeraartoqarsinnaavoq, aammalu akeqanngilaq tikeraartoqarneq.

10. Inigisami pæret taarserneqartarnerat isertereernerup kingorna, Pedeelit Jens Peter, Seth, Daniel, Valdemar:

Iserternermi pæret tamarmik ajunngittussaaput ajorpata saaffiginnissutigineqassapput piaartumik, iserternerullu kingorna pæreartoqarpat najugaqartup nammineq taarsertalissavaa 1. marts. 2019-ip kingorna.

Nalorsaraanni KAF-imut saaffiginnittoqarsinnaavoq pedeelit tassani ikiuussinnaapput.

11. Qimatat, Pedeelit Jens Peter, Seth, Daniel & Valdemar:

Najugaqartut aallarnermini iniminnut qimatsisimagaangamik tjekkerisut najugaqartumut sianertarput qimatat suneqassanersut, pissarsiarineqarsinnaanngikkaangamillu qaammat ataaseq sivisunerpaamik tigummineqartarput, taassuma kingorna iginneqartarlutik.

Iginneqartunut KAF-i taarsiisussaataanngilaq najugaqartumut.

Ini iserterfigineqartoq iserternertut qimanneqartarnissaat eqqaasitsissutigivaat, qimatat KAF-ip sulisuinut suliakkersuutaasaqimmata.

12 Ataatsimiinnermi peqataasut gruppekaarlutik taalimanut avillutik eqqartuissapput;

13.1 Qanoq kollegiani akaareqatigiittoqarsinnaava?

14.2 Suut KAF-i sullissinermini eqqaannerusunngortissinnaavai?

15.3 Gruppet saqqummiinerat;

Gruppet sisamanut avinneqarput, saqquuminnermi uku oqariartuutigineqarput

13.1

Kollegiani akaareqatigiittoqarsinnaanera ima saqqummiunneqarpoq:

Ataqqeqatigiineq, oqaloqatigiissinnaaneq, opgangeqatigiit naapeqatigiittarsinnaasut, nereqatigiineq, iluamik kiinnerinnaaneq, isersimaartarfiit igaffik perusersartarfik

torersuutinnerunissaat, eqqaaviit isigiinnarnagit igittarnissaat, assersuutigalugu una sap.ak. torersaanermi eqqaaneq ingerlanneqarluni najugaqatigiini.

14.2

Suut KAF-i sullissinnermini eqqaannerusunngortissinnaavai?

Paasissutissat ersarinnerusut, soorlu opgangini nivingasut, attavissat, aammalu vagt tlf. sianerfissaq ataasiinaanera amigarineqarpoq, sianerfigigaluarlugu ilaanni akisoqarneq ajormat, ammasarfii ajunnginnerusut, saaffiginnissutit sukkanerusumik akineqartarnissai, soorlu toqqaannartumik pedeelinut imal. eqqiaasunut mailikkut allassinnaaneq, pinerit tamaasa kollegieinspektøriskooqqaartariaqarnatik.

16 Ataatsimiinnermi naggasiineq, Vivian Schmidt Isaksen

Nuannaarutigineqarpoq taama amerlatigisut takkunneri, inuit 140-t missaani, aammalu ataatsimiinneq torersumik iluatsilluartumik ingerlanera qujassutigalugu, najugaqartullu oqariartuutaat tigulluarpavut aammalu iliuuseqarfigineqarumaarlutik.